



UNIVERSITÄTS-
BIBLIOTHEK
PADERBORN

Nucleus Juris Canonici

Thenhaven, Bernhard

Coloniæ Agrippinæ, 1739

IX. De Apostatis & reiterantibus Baptisma. D. 6.

[urn:nbn:de:hbz:466:1-63382](https://nbn-resolving.org/urn:nbn:de:hbz:466:1-63382)

„Fisco subjiciuntur; quæ excommunicatio etiam innovatur in Bulla Cœnæ. Sed dolendum, ait *Reiffenst. h. t. n. 25.* quòd hæ Leges ob sævam cupiditatem vel ditescendi, vel plus dominandi, tam parùm observentur.

TITULUS VII. VIII. & IX.

De Hæreticis; de Schismaticis & Ordinatis ab eis; ac de Apostatis & reiterantibus Baptisma.

I. DE HÆRETICIS c. i. h. t. decernitur: „Dubi-
 „buis in fide infidelis est. Nec eis
 „omnino credendum est, qui fidem ve-
 „ritatis ignorant. De quo dubio hoc in-
 telligendum, vide in *Nucl. Theol. Exam. 6.*
n. 1. An hæreticus contra Catholicum, ut
testis vel accusator, admitti possit? Collige
 ex dictis *L. 2. Tit. 20. n. 6.* In cæteris Capi-
 tibus h. t. statuuntur pœnæ contra hære-
 ticos eorùmque receptatores, defensores
 & fautores, signanter *C. 9. & 13.* pœna
 Excommunicationis; Degradationis, si
 sint Clerici; Confiscationis bonorum; Ir-
 regularitatis; in qua tamen, si hæresis
 foret occulta, ex *Trid.* posset Episcopus
 dispensare; Absolutionis subditorum à de-
 bito fidelitatis, obedientiæ & domini;
 Pri-

576 LIBER V. TITULUS VII. VIII. & IX.
Privationis omnium privilegiorum, ju-
rium & Ecelesiasticæ sepulturæ; Infamiae;
Intestabilitatis activæ & passivæ &c. At
hi Canones in Germania, in qua hæretici
sunt viribus potentiores Catholicis & to-
lerari debent, locum non habent, sed tan-
tùm, ubi viget officium Inquisitionis. Vide
Nucl. Theol. Exam. 5. n. 9. & Exam. 6. n. 1.

II. De SCHISMATICIS, qui se ab unitate
Ecclesiæ separant, nolentes tanquam
membra subesse legitimo Rom. Pontifici
tanquam capiti, sed vel notorio Anti-
Papæ adhærent, estque schisma purum,
vel in hæreticos degenerant, statuitur h. t.
c. 1. „ Ordinationes factas à schismaticis
„ irritas esse; putà quoad executionem seu
exercitium Ordinis; non autem quoad
substantiam & valorem Ordinis; impri-
munt enim verè characterem, & confe-
runt potestatem Ordinis, licèt suspensam
& impeditam. Nam c. 2. h. t. ait Pontifex
„ Ordinatam à schismatico esse ab officio
„ repellendum, nisi legitime probârit, se
„ cum fuisse dispensatum.

III. APOSTATA dicitur, qui recedit vel
à fide *simpliciter & ex toto*, (si enim quo-
ad aliquos tantùm articulos recedat, est
hæreticus) declinando ad Atheismum vel
Paganismum; vel à *Statu Clericali*, dum
in Sacris constitutus habitum & Tonstr-

DE HIS, QUI FILIOS OCCIDERUNT, &c. 577
ram Clericalem deserit, prorsus ut laicus
vivens; vel à Religione, dum professus
deserit statum Religiosum, quos Pontifex
h. t. jubet pœnis Canonicis compesci. Cir-
ca temerè *Reiterantes Baptisma* Jure Ca-
nonico h. t. statuitur Irregularitas; de Jure
Civili ultimum supplicium; quanquam
ob prudens dubium Baptismus sæpe sub
condicione sit denuo conferendus.

TITULUS X. XI. & XII.

*De his, qui Filios occiderunt, Item de
Infantibus & Languidis expositis; ac
de Homicidio voluntario
& casuali.*

Postquam actum est de Criminibus, quæ
contra DEUM & Religionem princi-
paliter committuntur, pergit Compiler
ad delicta, quibus proximus læditur, in
suis bonis corporis, fortunæ & famæ.

I. *Tit. io. c. i.* mandat Pontifex: „ Ut Epi-
scopus mulierem, quæ filium suum ex
„ iracundia interfecerat, inducat ad in-
„ gressum Monasterii; si autem induci ne-
„ queat, licentiam tribuat nubendi, quia
„ tutius, ut nubat uni soli, quàm inhoneste
„ multos admittat. Jure Civili pœna Par-
ricidii proprii, dum quis ascendentem